

**INSHAMAKE Y'AMATEGEKO SHINGIRO
Y'UMURYANGO CHILDREN'S VOICE TODAY (CVT)**

1.

NI IRIHE TEGEKO RISHYIRaho IMIRYANGO ITARI IYA LETA ?

Umuryango Children's Voice Today (CVT) ubinyujije mu nama y'Inteko Rusange isanzwe yo ku wa 07/07/2013; Ushingiye ku itegeko N° 04/2012 ryo ku wa 17/02/2012 rigena imitunganyirize n'imikorere by'imiryango nyarwanda itari iya Leta mu Rwanda. Abagize iyi nama bafashe icyemezo cyo guhindura amategeko shingiro agahuzwa n'ibivugwa muri iri tegeko.

2.


UMURYANGO CHILDREN'S VOICE TODAY (CVT) WASHINZWE UTE ?

Umuryango Children's Voice Today, CVT mu magambo ahinnye; washinzwe n'abana n'urubyiruko, ku wa 19 Mata 2001.

Umuryango CVT wahawe ubuzimagatozi bufite numero 26/RGB/NGO/2015 ku wa 08/09/2015 n'Ikigo cy'Igihugu Gishinzwe Imiyoborere myiza (Rwanda Governance Board - RGB).

Ubu Umuryango CVT ufile Icyicaro mu Murenge wa Nyamirambo, Akarere ka Nyarugenge, Umujyi wa Kigali.

Umuryango CVT ushobora kwimurira icyicaro cyawo ahandi hose mu gihugu byemejwe n'Inteko Rusange.



3.


UMURYANGO CHILDREN'S VOICE TODAY (CVT) UFITE IZIHE NTEGO?

Umuryango CVT ugamije guteza imbere uburenganzira bw'umwana, nk'uko bikubiye mu ntego zaho zikurikira:

- Kumenyekanisha no guteza imbere uburenganzira bw'abana, dukurikije Amasezerano y'Umuryango w'Abibumbye yerekeye Uburenganzira bw'Umwana n'Amasezerano Nyafurika yerekeye Uburenganzira n'Imibereho myiza by'Umwana,
- Kurwanya no gukumira imirimo ibujije ku bana,
- Kwigisha abana n'urubyiruko uburere mboneragihugu,
- Kurwanya ihohoterwa iryu ari ryo ryose rikorerwa abana,
- Guharanira uruhare rw'umwana mu gufata ibyemezo mu bikorwa bimugenewe,
- Guharanira ubuzima buzira umuze no kurwanya indwara z'ibyorezo harimo na SIDA,
- Kurwanya ubukene mu muryango nyarwanda.

Kugira ngo izi ntego zigerweho, umuryango CVT ukorana n'inzego zose z'ubuyobozi bw'igihugu n'abafatanyabikorwa b'u Rwanda no hanze y'igihugu.

Uruhare rw'abana mu bikorwa byose by'umuryango ni ngombwa cyane mu kugera kuri izi ntego umuryango wihaye.



4.

ABANYAMURYANGO NI BANDE?

Abanyamuryango bazarizwa mu byiciro bitatu:

- 1. Abanyamuryango bashinze Umuryango:** ni abashyize umukono ku mategeko shingiro agenga umuryango.
- 2. Abanyamuryango bawinjiyemo babyemerewe n'Inteko Rusange:** ni abantu babisabye mu nyandiko kandi bakabyemererwa n'Inteko Rusange.
- 3. Abanyamuryango b'icyubahiro:** Ni abantu ku giti cyabo bashyigikira ibikorwa by'umuryango batanga inkunga z'ibantu, amafaranga cyangwa izindi nkunga zishoboka; bemezwa n'Inteko Rusange. Batumirwa mu nama z'Inteko Rusange ku buryo ngishwanama, ntibatora cyangwa ngo batorwe.

5.


ESE NI GUTE UBA UMUNYAMURYANGO?

Uwifuza kuba umunyamuryango yandikira umuyobozi w'umuryango, Inteko Rusange y'umuryango ni yo ifata umwanzuro.

6.

KUBA UMUNYAMURYANGO BIRANGIRA RYARI?

Ubunyamuryango burangira iyo umuntu apfuye, iyo asezeye ku bushake, iyo yirukanywe cyangwa igihe umuryango usheshwe. Ibi byemezo byose binyura mu nyandiko bikemezwa n'Inteko Rusange.



7.

INZEGO Z'UMURYANGO NI IZIHE? ZITORERWA IGIHE KINGANA IKI?

Inteko Rusange : Ishinzwe gushyiraho imirongo migari umuryango ugenderaho, igizwe n'abanyamuryango nyakuri bose, ni rwo rwego rukuru rw'umuryango.

Komite Nyobozi : Ishinzwe gukurikirana no gushyira mu bikorwa gahunda z'ibikorwa by'umuryango. Igizwe n'Umuyobozi w'umuryango, Umuyobozi wungirije, Umunyamabanga n'Ushinzwe umutungo. Batorerwa manda y'imyaka itanu ishobora kongerwa kabiri.

Urwego rushinzwe ubugenzuzi : Rushinzwe kugenzura imicungire y'imari n'indi mitungo by'umuryango. Buri mwaka, Inteko Rusange ishyiraho abantu babiri ikabaha iyi nshingano.

Urwego rushinzwe gukemura amakimbirane: Rushinzwe gukemura amakimbirane avutse hagati mu banyamuryango cyangwa hagati y'inzego ziwigize. Batorwa n'Inteko Rusange mu gihe cy'imyaka itatu ishobora kongerwa. Abagize uru rwego bitoramo ubuyobozi bugizwe na Perezida, visi perezida n'umwanditsi.

Inteko Rusange kandi ifite uburenganzira bwo gushyiraho izindi nzego.



Inteko
Rusange

Urwego rushinzwe
ubugenzuzi

Komite Nyobozi

Urwego rushinzwe
gukemura
amakimbirane

8.

UMUTUNGO W'UMURYANGO UVACHE ?

Umutungo w'umuryango ugizwe ahanini n'imisanzu y'abanyamuryango, impano n'imirage, imfashanyo zinyuranye n'umusaruro ukomoka ku bikorwa by'umuryango.

9.

ESE AYA MATEGEKO ASHOBORA GUHINDURWA ?

Aya mategeko ashobora guhindurwa byemejwe n'Inteko Rusange, bisabwe na Komite Nyobozi.

10.


ESE UMURYANGO CVT USHOBORA GUSESWA ?


Inteko Rusange ishobora gusesa umuryango. Igihe umuryango usheshwe, hamaze gukorwa ibarura ry'ibintu byimukanwa n'ibitimukanwa by'umuryango no kwishyura imyenda, umutungo usigaye uhabwa undi muryango nyarwanda bihuje intego.

11.

GUSOZA

Aya mategeko yemejwe n'abanyamuryango nyakuri bayashyizeho umukono mu Inteko Rusange shingiro y'Umuryango Children's Voice Today (CVT) yo ku wa 7 Nyakanga 2013.





AHO TUBARIZWA



(+250) 789 003 737



P.O. Box 1253 Kigali
KN 9 Ave, Kigali-Rwanda



info.childrensvoicetoday.org
childrenrwanda@gmail.com



www.childrensvoicetoday.org



@cvtrw



childrensvoicetoday



@cvtrwanda